



## Neviim (prophètes) - Isaïe

### Chapitre 3

3,1	כי הנה האדון יהוה צבאות, מסיר מירושלם ומיהודה, משען, ומשענה: כל, משען-לחם, וכל, משען-מים.
3,2	גבור, ואיש מלחמה; שופט ונביא, וקסם וזקן.
3,3	שר-חמשים, ונשוא פנים; ויועץ לחכם חרשים, ונבון לחש.
3,4	ונתתי נערים, שריהם; ותעלולים, ימשלו-בם.
3,5	ונגש העם, איש באיש ואיש ברעהו; וירבו, הנער בזקן, והנקלה, בנכבד.
3,6	כי-יתפש איש באחיו, בית אביו, שמלה לכה, קצין תהיה-לנו; והמכשלה הזאת, תחת-ידך.
3,7	ישא ביום ההוא לאמר, לא-אֶהיה חבש, ובביתי, אין לחם ואין שמלה; לא תשימני, קצין עם.
3,8	כי כשלה ירושלם, ויהודה בפל: כי-לשונם ומעלליהם אל-יהוה, למרות עני כבודו.
3,9	הכרת פניהם ענתה בם, וחטאתם כסדם הגידו לא כחדו; אוי לנפשם, כי-גמלו להם רעה.
3,10	אמרו צדיק, כי-טוב: כי-פרי מעלליהם, יאכלו.
3,11	אוי, לרשע רע: כי-גמול ידיו, יעשה לו.
3,12	עמי נגשו מעולל, ונשים משלו בו; עמי מאשריך מתעים, ודרך ארחתך בלעו. {פ}
3,13	נצב לריב, יהוה; ועמד, לדין עמים.
3,14	יהוה במשפט יבוא, עם-זקני עמו ושריו; ואתם בערתם הכרם, גזלת העני בבתים.
3,15	מלכם (מה-לכם) תדכאו עמי, ופני עניים תטחנו: גאם-אדני יהוה, צבאות. {ס}
3,16	ויאמר יהוה, יען כי גבהו בנות ציון, ותלכנה נטוות (נטויות) גרון, ומשקרות עינים; הלון וטפף תלכנה, וברגליהם תעכסנה.
3,17	ושפח אדני, קדקד בנות ציון; ויהוה, פתהן יערה. {ס}
3,18	ביום ההוא יסיר אדני, את תפארת העכסים והשביסים--והשהרנים.
3,19	הנטפות והשירות, והרעלות.
3,20	הפארים והצעדות והקשרים, ובתי הגפש והלחשים.
3,21	הטבעות, וגזמי האף.
3,22	המחצות, והמעטפות, והמטפחות, והחרטים.
3,23	והגלינים, והסדינים, והצינפות, והרדידים.
3,24	והיה תחת בשם מק יהיה, ותחת חגורה בקפה, ותחת מעשה מקשה קרחה, ותחת פתיגיל, מחגרת שק: כי-תחת, יפי.
3,25	מתין, בחרב יפלו; ויגבורתך, במלחמה.
3,26	ואנו ואבלו, פתחיה; ונקתה, לארץ תשב.



### A la découverte du Beth Hamikdash

Un livre référence sur le Temple de Jérusalem. Une centaine d'illustrations et une description encyclopédique du Beth Hamikdash et de son histoire.

Commandez : Tel. (Fr) : +33.1.80.91.62.91 - (Isr) : +972.77.466.03.32 - [www.torah-box.com/editions](http://www.torah-box.com/editions)